



ACoRD

Savez za zajednički
ruralni razvoj

OKVIR ZA USPOSTAVLJANJE SARADNJE

NA PROJEKTU ACoRD



Asocijacija za ekonomski razvoj
Asocijacija za gospodarski razvitak
Асоцијација за економски развој



ACoRD projekat – Savez za zajednički ruralni razvoj, ima za cilj da podrži osnivanje Mreže za ruralni razvoj u Bosni i Hercegovini i da jača kapacitete organizacija, članica Mreže. Takođe, ACoRD teži da uključi predstavnike civilnog društva, a samim tim i ruralno stanovništvo u procese kreiranja i donošenja relevantnih politika iz oblasti poljoprivrede i ruralnog razvoja i njihovo usklađivanje sa EU politikama.

Konferencija “Ruralni razvoj u Bosni i Hercegovini” koja je održana 28. maja 2013. godine, u Sarajevu, predstavlja jednu od prvih aktivnosti u okviru projekta ACoRD. Učesnici konferencije su imali priliku da se поближе upoznaju sa ciljevima i aktivnostima projekta ACoRD, ruralnim razvojem u Bosni i Hercegovini, kao i osnivanju, funkcionisanju i vrstama mreža za ruralni razvoj u Evropskoj uniji i regionu.

Učesnici konferencije su, nakon izlaganja prezentatora i nakon diskusije u kojoj su data određena mišljenja i viđenja po pitanju ACoRD projekta i osnivanja Mreže za ruralni razvoj u Bosni i Hercegovini, predložili da se pripremi Okvir za uspostavljanje saradnje na projektu ACoRD.

Na osnovu ovog prijedloga učesnika Konferencije i u skladu sa stavovima koji su izneseni u toku diskusije, predlaže se sljedeći Okvir za uspostavljanje saradnje na projektu ACoRD:

1. Osnivanje Mreže za ruralni razvoj u Bosni i Hercegovini je pozitivan iskorak u sveobuhvatnom procesu ruralnog razvoja u Bosni i Hercegovini i ova inicijativa u okviru ACoRD projekta je pozdravljena i podržana od strane civilnog i javnog sektora.
2. Neophodno je razviti partnerstvo između javnog i civilnog sektora po pitanju ruralnog razvoja i ojačati međusobnu komunikaciju što je sasvim izvodljivo kroz implementaciju projekta ACoRD. Mreža za ruralni razvoj treba da bude ozbiljan partner javnom sektoru i da bude korištena kao koristan alat koji doprinosi radu javnog sektora.

Podržano od strane



Projekat finansira Evropska
unija

Vojvode Petra Bojovića 1A • 78000 Banja Luka • URL: www.aced.ba
Tel: 051 325 020 • Fax: 051 325 021 • E-mail: office@aced.ba



ACoRD

Savez za zajednički
ruralni razvoj



Asocijacija za ekonomski razvoj
Asocijacija za gospodarski razvitak
Асоцијација за економски развој



3. Da bi civilni sektor mogao biti prepoznat kao ozbiljan partner javnom sektoru u oblasti ruralnog razvoja, organizacije civilnog društva moraju imati određene kompetencije u tom sektoru i transparentnost u svom radu. Civilni sektor u BiH je snažan u kvantitetu, a treba osigurati i snagu civilnog sektora i u kvalitetu. Osnaživanje organizacija civilnog društva iz oblasti ruralnog razvoja je dio ACoRD projekta.
4. Svaka zemlja u Evropi ima svoje posebnosti i postoje razna rješenja kada su u pitanju mreže za ruralni razvoj. Tako i u Bosni i Hercegovini, kroz dijalog, treba pronaći model zajedničkog rješenja, a koji će na najbolji način odražavati bosanskohercegovačku perspektivu i poziciju. Savez za zajednički ruralni razvoj (ACoRD) u Bosni i Hercegovini je model koji omogućava zadovoljavanje različitih pogleda i stavova po pitanju umrežavanja u ruralnom razvoju u Bosni i Hercegovini.

Organizacije civilnog društva aktivne u oblasti poljoprivrede i ruralnog razvoja u Bosni i Hercegovini će se zalagati za ostvarenje predloženih principa iz ovog Okvira za uspostavljanje saradnje na projektu ACoRD i na taj način će dati svoj puni doprinos osnaživanju ruralnog pokreta i sveobuhvatnom ruralnom razvoju u Bosni i Hercegovini.

Sarajevo, 28. maj 2013. godine

Podržano od strane



ACoRD - Savez za zajednički ruralni razvoj je projekat koji finansira Evropska unija u okviru "Programa za podršku civilnom društvu 2012". Projekat provodi ACED - Agencija za saradnju, edukaciju i razvoj kao vodeća organizacija, u saradnji sa domaćim partnerskim organizacijama REDAH, UG Nešto Više, LAG Una-Sana, i evropskim partnerom ELARD - Evropskim udruženjem LEADER za ruralni razvoj. Projekat je podržan i od strane švedske organizacije WE EFFECT.

Projekat finansira Evropska
unija

Vojvode Petra Bojovića 1A • 78000 Banja Luka • URL: www.aced.ba
Tel: 051 325 020 • Fax: 051 325 021 • E-mail: office@aced.ba